



Broj: 05-50-1-2358/14
Sarajevo, 10.9.2014. godine



PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 107. sjednici održanoj 10.9.2014. godine, utvrdilo je Odgovor na zastupničko pitanje koje je postavio Saša Bursać, zastupnik u Zastupničkom domu Parlamentarne skupštine Bosne i Hercegovine.

U privitku prosjeđujemo Odgovor radi njegovog dostavljanja zastupniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-07-1-2358/14
Sarajevo, 10.9.2014. godine

SAŠA BURSAC, poslanik u Predstavničkom domu Parlamentarne skupštine Bosne i Hercegovine, na 70. sjednici ovog Doma održanoj **24. jula 2014. godine**, postavio je Vijeću ministara BiH poslaničko pitanje koje glasi:

„Šta je sa intervencijom protiv komaraca koja je bila obećana od strane Savjeta ministara? Molim da mi se dostavi zašto i zbog čega je obećano na sjednici Parlamentarne skupštine da će intervencije biti od strane Savjeta ministara a ipak do iste nije došlo? Ljudi iz poplavljenih područja su se nadali intervenciji jer su mediji prenijeli obećanje Savjeta ministara, pa smatram da ako se ne misli ništa uraditi korektno bi se bilo bar izvinuti ugroženim ljudima“

Na postavljeno pitanje Vijeće ministara Bosne i Hercegovine je na 107. sjednici održanoj 10.9.2014. godine, utvrdilo sljedeći:

ODGOVOR

Ministarstvo sigurnosti BiH na postavljeno poslaničko pitanje dostavlja traženi odgovor, u obliku Informacija dostavljenih od: Federalne uprave civilne zaštite, Zavoda za javno zdravstvo FBiH i Ministarstva zdravlja i socijalne zaštite Republike Srpske. Odgovori su upućeni Ministarstvu, a odnosi se na predmetno poslaničko pitanje.

ODGOVOR

Vezano za „intervenciju protiv komaraca“, odnosno aktivnosti na suzbijanju najezde komaraca na poplavljenim područjima u Bosni i Hercegovini, nadležne institucije Bosne i Hercegovine (Vijeće ministara, Ministarstvo sigurnosti, Ministarstvo civilnih poslova, Direkcija za civilno zrakoplovstvo) su u skladu sa zakonima utvrđenim nadležnostima, pravima i obavezama, u koordinaciji sa nadležnim institucijama entiteta i Brčko Distrikta Bosne i Hercegovine, izvršile sve neophodne koordinacijske postupke u cilju podrške i pomoći stanovništvu u poplavljenim područjima u Bosni i Hercegovini.

Centar za koordinaciju i odgovor u vanrednim situacijama Europske Komisije je kontaktiran i redovno informiran o stanju na terenu od strane Operativno komunikacijskog centra BiH-112 Ministarstva sigurnosti, a kompletnu koordinaciju aktivnosti na suzbijanju najezde komaraca unutar Bosne i Hercegovine je vodilo Ministarstvo civilnih poslova Bosne i Hercegovine.

Pored navedenog, nadležne institucije entiteta i Brčko Distrikta Bosne i Hercegovine su paralelno sa aktivnostima institucija Bosne i Hercegovine obavljale vlastite aktivnosti na koordinaciji aktivnosti na suzbijanju najezde komaraca što je u konačnici vodilo u pravcu koordinisanog i efikasnog djelovanja svih nadležnih institucija u Bosni i Hercegovini.

Kao potvrdu navedenog citiramo dio informacije Ministarstva zdravlja i socijalne zaštite Republike Srpske od 03.06.2014. godine: „U skladu sa dogovorom ministra zdravlja Republike Hrvatske, Republike Srbije, Republike Srpske i šefa Odjela za zdravstvo Brčko Distrikta BiH, sa sastanka održanog 28.05.2014. godine, aktivnosti oko dezinfekcije (zamagljivanje protiv komaraca) na poplavljenim područjima u BiH je preuzelo da koordinira Ministarstvo civilnih poslova BiH“.

Kako je zahtjev za pomoć u predmetnim aktivnostima prema Europskoj komisiji-Centru za koordinaciju i odgovor u vanrednim situacijama upućen od strane Operativno komunikacijskog centra BiH-112 Ministarstva sigurnosti Bosne i Hercegovine, Ministarstvo sigurnosti se u tri navrata, dana 26.05.2014. godine, 12.06.2014. godine te 20.06.2014. godine, obratilo dopisima prema entitetskim Vladama, Vladi Brčko Distrikta BiH, odnosno entitetskim ministarstvima zdravstva i Odjelu za zdravstvo Brčko Distrikta BiH, sa molbom za hitnu dostavu dostavu detaljnih informacija o aktivnostima zaprašivanja i tretmana komaraca iz zraka i sa zemlje koje su provedene na teritoriji Bosne i Hercegovine, te o budućim planovima zaprašivanja i tretmana komaraca.

U prilogu odgovora nalaze se akti sa informacijama koje su kao odgovor na naše upite dostavljene prema Ministarstvu sigurnosti. U skladu sa navedenim smatramo da je Ministarstvo sigurnosti Bosne i Hercegovine pravovremeno i efikasno djelovalo u aktivnostima na suzbijanju najezde komaraca na poplavljenim područjima u Bosni i Hercegovini.

BOSNIA AND HERCEGOVINA
FEDERATION OF BOSNIA AND HERZEGOVINA
FEDERAL ADMINISTRATION OF CIVIL PROTECTION

Broj: 02-44/13-5-54/14
Sarajevo, 29.06.2014.godine

MINISTARSTVO SIGURNOSTI
Trg BiH br.1, Sarajevo

PREDMET: Aktivnosti na zaprašivanju komaraca, informacija, dostavlja se,-

Veza: Vaš akt broj: 09-04-1-3579-16/14 od 20.06.2014.godine

Aktom, broj i datum iz veze, od Federalne uprave civilne zaštite zatražili ste informaciju o zaprašivanju komaraca.

Dana 05.06.2014. godine Vlada Federacije BiH je na 47. hitnoj sjednici u stalnom zasjedanju, a na prijedlog Federalnog Ministarstva zdravstva donijela Odluku o provođenju dezinfekcijskih mjera iz zraka na poplavom stradalim područjima Federacije BiH.

Sukladno navedenoj Odluci o provođenju dezinfekcijskih mjera iz zraka Zavod za javno zdravstvo Federacije BiH je aktom broj: S-01-02-01-2-848-9/14 od 05.06.2014. obavijestio Federalnu upravu civilne zaštite da će zaprašivanje iz zraka adultnih formi komaraca biti izvršeno 06.06.2014.godine s 4 preleta (2 ujutro / 2 predvečer).

Dana 06.06.2014. izvršeno je zaprašivanje na području Posavske županije, tj. općina Odžak, Domaljevac-Šamac i Orašje, na površini većoj od 6.000 ha.

Zaprašivanje je izvršeno preparatom Neopitroid premium je biocid, insekticid za suzbijanje insekata u javnoj higijeni, vrsta biocidnog pripravka: 18, koji se razblažen s vodom ili organskim otapalom primjenjuje zamagljivanjem ili prskanjem, a dozvoljeno je i tretiranje iz zrakoplova, proizveden od strane Genera d.d. Hrvatska.

Poljoprivredni avioni Air tractor d.o.o. iz Hrvatske (Antonov AN-2) su izvršili zaprašivanje komaraca, za što su sukladno procedurama pribavljene dozvole Direkcije za civilno zrakoplovstvo pri Ministarstvu komunikacija i prometa BiH.

U cilju realizacije Odluke o provođenju dezinfekcijskih mjera iz zraka Vlade Federacije BiH, Federalno ministarstvo okoliša i turizma je izdvojilo financijska sredstva u iznosu 266.000,00 KM.

S ciljem sprječavanja i suzbijanja zaraznih bolesti i očuvanja i unapređenja zdravlja stanovništva, na poplavljenom području Federacije BiH, Federalni stožer civilne zaštite je na svojoj 10. izvanrednoj sjednici donio Zaključak o imenovanju multisektorskog i multidisciplinarnog tima za izradu plana i provođenje aktivnosti dezinfekcije, dezinsekcije i deratizacije na ugroženom području Federacije BiH.

Nakon toga multisektorski i multidisciplinarni tim je federalnom stožeru civilne zaštite poslao izvješće s određenim zaključcima:

- Jednokratno zaprašivanje je nedovoljno, jer sredstva ne djeluju na larve komaraca,
- Poslije jednokratnog zaprašivanja iz zraka poželjno bi bilo još jedno zaprašivanje nakon 15 dana, te nakon toga, po potrebi nastaviti tretman zaprašivanja sa zemlje.
- Po završenom prvom tretmanu komaraca na terenu, neophodno je poslati na teren ekipe za epidemiološko i epizootiološko izviđanje i uzorkovanje materijala od potencijalno zaraženih ljudi i životinja uzročnicima West Nile i ptičje gripe.

Federalni stožer civilne zaštite nakon razmatranja gore navedenih zaključaka multisektorskog i multidisciplinarnog tima, s ciljem njihove realizacije donio je niz naredbi, kako slijedi:

Naredba broj: 02-44/13-171/14 od 11.06.2014.godine, kojom se naređuje:

- kantonalnim zavodima za javno zdravstvo, kao i higijensko epidemijološkim službama domova zdravlja hitno provođenje obvezne preventivne dezinsekcije i deratizacije na ugroženom području na kojima je izvršena potpuna ili djelomična asanacija terena nakon povlačenja vode. Obveznu preventivnu dezinsekciju potrebno je provoditi kontinuirano s ciljem suzbijanja komaraca kao molestanata, ali i mogućih vektora zaraznih oboljenja prvenstveno West-Nile groznice koja je potvrđena u susjednim zemljama.
- kantonalnim i općinskim stožerima civilne zaštite da mobiliziraju ljudstvo, opremu i sredstva privrednih društava koja su registrirana za obavljanje poslova deratizacije i dezinsekcije u smislu članka 24. Zakona o zaštiti stanovništva od zaraznih bolesti („Službene novine Federacije BiH, broj: 29/05), koja su dužna djelovati sukladno uputama nadležnih higijensko-epidemioloških službi.
- kantonalnim ministarstvima zdravstva i kantonalnim zavodima za javno zdravstvo koji nisu direktno ugroženi prirodnom nesrećom da stave na raspolaganje svoje materijalne i ljudske resurse kantonalnim ministarstvima zdravstva i kantonalnim zavodima za javno zdravstvo ugroženog područja;

Naredba broj: 02-44/13-189/14 od 13.06.2014.godine, kojom se naređuje:

- Federalnu direkciju za robne rezerve da uz stručnu podršku Zavoda za javno zdravstvo Federacije BiH izvrši nabavu sredstva za dezinfekciju sa zemlje, Neopitroid premijum. Postupak javne nabave je u tijeku.

Naredba broj: 02-44/13-191/14 od 13.06.2014.godine, kojom se naređuje:


- Federalnu upravu civilne zaštite da izvrši nabavu sredstava za dezinfekciju sa zemlje: Neopitroid premium, brodilom parafinski blok (25 g); brodilom parafinski blok (250 g), brodilom meki mamac (10 g), ULU aerosol generatora CITIZEN BIG DL90 T100 s pratećom opremom, kao i da izvrši izbor ovlaštene firme za DDD, koja je licencirana za rad s 1., 2. i 3. skupinom otrova. Realizacija ove naredbe je u tijeku.

Naredba broj: 02-44/13-210/14 od 24.06.2014.godine, kojom se naređuje:

- Zavodu za javno zdravstvo Federacije BiH, kao i kantonalnim stožerima civilne zaštite Unsko-sanskog, Posavskog, Zeničko-dobojskog i Tuzlanskog kantona da Federalnom stožeru civilne zaštite hitno dostave izvješće o poduzetim mjerama i aktivnostima dezinfekcije, dezinsekcije i deratizacije na svom području, kao i da dostave operativne planove provođenja DDD mjera za područja pogođena poplavama za naredni period. Realizacija navedene naredbe je u tijeku.

O svim daljnjim postupcima Federalne uprave civilne zaštite vezanim za aktivnost zaprašivanja komaraca blagovremeno ćemo Vas obavijestiti.

S poštovanjem,



Dostavljeno:

- naslovu
- a/a



ZAVOD ZA JAVNO ZDRAVSTVO FBiH
INSTITUTE FOR PUBLIC HEALTH FB&H

09
Cem

Broj: S-01-02-01-2-848-18/14
Sarajevo, 30.06.2014. godine

1716/14
BOSNA I HERCEGOVINA
MINISTARSTVO SIGURNOSTI
04-07-2014
09 10h-1 3575-20

BOSNA I HERCEGOVINA
MINISTARSTVO SIGURNOSTI
n/p Gosp. Mladen Čavar, zamjenik ministra

PREDMET: Izvještaj o DDD mjerama na područjima pogođenim poplavama

09-02
Edin

VEZA: Vaš dopis broj: 09-04-1-3579-16/14

Poštovani,

Dostavljamo Vam izvještaj o preduzetim mjerama dezinfekcije, dezinsekcije i deratizacije na područjima pogođenim poplavama: Unsko-sanskog, Posavskog, Zeničko-dobojskog i Tuzlanskog kantona.

Napominjemo da su podaci koje sadrži naš izvještaj rezultat naših aktivnosti, u smislu organizacije i koordinacije određenih mjera, te obezbjeđenja i distribucije dijela sredstava za izvođenje DDD poslova na pomenutim teritorijama.

Sa kantonalnim štabovima civilne zaštite smo imali sporadične kontakte, uglavnom preko kantonalnih ZZJZ, tako da ne raspolažemo svim podacima o neposredno realiziranim mjerama na ovim područjima i planiranim aktivnostima za naredni period.

S poštovanjem,

DIREKTOR

Prim. dr. Željko Ler

Izveštaj o DDD mjerama na područjima pogođenim poplavama

Kao što Vam je vjerovatno poznato, dezinfekcija orošavanjem iz zraka, na planiranim područjima (*osim dijela Posavske županije/kantona*), do danas nije obavljena. Razlozi su, prvenstveno, bili loši meteo uvjeti, ali i određene zapreke administrativne prirode, koje su se u međuvremenu pojavile i koje do sada nismo uspjeli riješiti.

Danas je isteklo posljednje, od četiri dobijena odobrenja za prelet teritorije FBiH (za period 04.06-01.07.2014. godine), izdato od strane Direkcije za civilno vazduhoplovstvo, pri Ministarstvu komunikacija i prometa BiH, za avione hrvatske tvrtke *Air tractor d.o.o.* Nemamo namjeru zahtijevati izdavanjem novog, do postizanja definitivne odluke prema mjerama predloženim u daljem tekstu Izveštaja.

Eventualno odustajanje od aviotretmana i orijentacija na adulticidni tretman sa zemlje je alternativna opcija, koja bi podrazumijevala nabavku dodatne opreme (*ULV generatora za zamagljivanje*) i angažiranje raspoloživih kapaciteta domaćih privrednih organizacija, koje bi taj posao realizirale na komercijalnoj osnovi.

Procjena je da bi kombinirani tretman iz zraka i sa zemlje bio najučinkovitiji, a trajao bi dok se monitoringom ne utvrdi smanjenje brojnosti populacije komaraca na biološki minimum.

U tom kontekstu, Vladi Federacije BiH predložit će se potpisivanje ugovora sa hrvatskom tvrtkom *Air-tractor d.o.o.*, nabavka *Neopitroid premium* za aviotretman (*orošavanje*), uz istovremeno *zamagljivanje sa zemlje* u koordinaciji sa *FUCZ*, koja je u fazi nabavke 2 ULV generatora, a već raspolaže sa 10-ak toplih zamagljivača.

- *Neopitroid premium*, kao dokazano najefikasniji insekticid/adulticid koji se može naći na našem i susjednim tržištima, je proizvod tvrtke *GENERA* iz R. Hrvatske.
- Za aviotretman bi se koristila 2 aviona tipa *Antonov An-2*, proizvedeni u Poljskoj, a registrirani u R. Hrvatskoj.

Kombinirani adulticidni tretman bi trajao do 7 (sedam) dana, a bila bi obuhvaćena površina od oko 70.000 ha u *Posavskom, Tuzlanskom i Zeničko-dobojskom kantonu/županiji*, prema ranije izrađenom mapingu. Ukupno potrebne količine adulticidnog sredstva, *Neopitroid premium*, su oko **8.000 litara** (*cijena po litru 31,00 KM*).

U kasnijoj fazi, sa potpunim stabiliziranjem stajaćih voda, pokrenuli bi *larvicidni tretman*, sredstvima iz okvira Britanske donacije, koja će, prema izvoru iz HZIZ, biti ravnomjerno raspoređena R. Hrvatskoj, Federaciji BiH i Republici Srpskoj, u ukupnoj količini od **8 tona larvicida BTI** (*Bacillus thuringiensis israelensis*).

Osim toga, po osnovu specifikacija ZZIZ FBiH za DDD sredstva potrebna na terenu, **UNDP BiH** je obezbijedio slijedeće količine rodenticida i insekticida:

- **Briketi sa parafinom** (za vlažne prostore) u količini od 1.400 kg.

- **Rodenticidi druge generacije** – pelete ili zrno (za zatvorene prostore) u količini od 1.000 kg.
- **Adulticid TIBI 24** u količini od 8.000 lit.

Larvicid *Vectobac* i adulticid *Neopitroid premium*, kao ni *brodilom meki mamac*, nisu nabavljeni, jer nije bilo ponuda na tenderu.

Do **30.6.2014.** godine isporučene su slijedeće količine, sukladno trenutnom stanju u skladištima ponuđača:

- **Posavski kanton/županija:** TIBI 24 - 600 lit (KZZJZ Orašje - alternativno skladište Opća bolnica Orašje).
- **Zeničko-dobojski kanton/županija:** TIBI 24 - 800 lit (KZZJZ Zenica - Centralno skladište locirano u Krugu Željezare d.o.o, a priručno smješteno u KZZJZ Zenica).
- **Tuzlanski kanton/županija:** TIBI 24 - 800 lit i rodenticid zrno - 700 kg (KZZJZ Tuzla - skladište na adresi Veterinarska stanica Bukinje).

Navedena sredstva se mogu odmah početi koristiti od strane ovlaštenih/registriranih firmi na područjima dotičnih ili susjednih kantona/županija, uz finansijsku podršku lokalnih zajednica.

Napominjemo da u **Unsko-sanskom kantonu/županiji** nismo imali organiziranih aktivnosti, osim epidemiološkog izviđanja i predlaganja neophodnih higijensko-profilaktičkih mjera.

Izveštaj pripremio:

Prim. dr Željko Ler

Direktor ZZJZ FBiH




Sarajevo, 01.07.2013. godine



РЕПУБЛИКА СРПСКА
ВЛАДА

МИНИСТАРСТВО ЗДРАВЉА И СОЦИЈАЛНЕ ЗАШТИТЕ

Трг Републике Српске 1, 78000 Биџа Лука, тел 051/339-475, факс 051/339-658, e-mail ministarstvo-zdravlja@mzs.vladars.net, www.vladars.net

Број:11/06-500-364-67/14
Датум,23.05.2014. године

БОСНА И ХЕРЦЕГОВИНА
МИНИСТАРСТВО БЕЗБЈЕДНОСТИ
Н/р Министра

71000 САРАЈЕВО
Трг БиХ број 1

ПРЕДМЕТ: Сузбијање појаве комараца, информација, доставља се

У вези Вашег акта број:09-01-04-1-3579/14-9, од 26.05.2014. године, који се односи на провођење активности на сузбијању комараца на поплављеним подручјима у Босни и Херцеговини, Министарство здравља и социјалне заштите Републике Српске, доставља информацију како слиједи:

У складу са договором министара здравља Републике Хрватске, Републике Србије, Републике Српске и шефа одјела за здравство Брчко дистрикта, са састанка одржаног 28.05.2014. године, активности око дезинсекције (замагљивање против комараца) на поплављеним подручјима у БиХ је преузело и координира Министарство цивилних послова БиХ.

Министарство здравља и социјалне заштите Републике Српске се захваљује Министарству безбједности БиХ и Вама лично на досадашњој координацији и приједлозима за реализацију наведене активности.

С поштовањем,

Доставити:
1) Наслову,
2) А/а,



МИНИСТАР
Др Драган Богданић

09

[Handwritten mark]

1311/14

1-2

[Handwritten signature]

03-06-2014

05 06-1

3579-13/14

1760/14

09
Jau



10-07-2014
09.04-1.3576-21

**РЕПУБЛИКА СРПСКА
ВЛАДА**

КАБИНЕТ ПРЕДСЈЕДНИКА

Трг Републике Српске 1, Бања Лука, тел: 051/339-103, факс: 051/339-119, e-mail: kabinet@vladars.net

Број: 04.1.-052- 1567-1/14

Датум: 08.07.2014. године

09-02
[Signature]

МИНИСТАРСТВО СИГУРНОСТИ БИХ
Н/р Младен Ћавар, замјеник министра

Предмет: Одговор на Ваш допис број: 09-04-1-3579-16/14 од 20.06.2014. године,
доставља се,-

Поштовани,

Ваш допис упућен предсједници Владе Републике Српске прослиједили смо на разматрање Министарству здравља и социјалне заштите Републике Српске, те Вам у прилогу достављамо њихов одговор.

С поштовањем,

Центар КАБИНЕТА
Мирољев Миловановић
[Signature]

Прилог:

- Допис Министарства здравља и социјалне заштите Републике Српске, број: 11/06-500-378-278/14 од 01.07.2014. године,



РЕПУБЛИКА СРПСКА
КАБИНЕТ ПРЕДСЈЕДНИЦЕ ВЛАДЕ

ПРИМ. БРОЈ:	04.07.2014.	
ОРГ. Ј.Д.	БРОЈ	ИП
04.1-052-1567/14		

РЕПУБЛИКА СРПСКА

ВЛАДА

МИНИСТАРСТВО ЗДРАВЉА И СОЦИЈАЛНЕ ЗАШТИТЕ

Ург Републике Српске I, 78000 Бања Лука, тел 051/339-475, факс 051/339-658, e-mail ministarstvo-zdravlja@mzs.vladars.net, www.vladars.net

Број: 11/06-500-378-278/14
Бања Лука, 01.07.2014. године

РЕПУБЛИКА СРПСКА
ВЛАДА
КАБИНЕТ ПРЕДСЈЕДНИЦЕ ВЛАДЕ

ПРЕДМЕТ: Информација, доставља се

Поштовани,

Министарству здравља и социјалне заштите Републике Српске достављен је допис Министарства безбједности Босне и Херцеговине, број:09-04-1-3579-16/14 од 20.06.2014. године, који се односи на достављање информација о активностима запрашивања и третмана комараца у поплавама угроженим подручјима Републике Српске.

С тим у вези обавјештавамо Вас да је Министарство здравља и социјалне заштите Републике Српске у сарадњи са Институтом за јавно здравство Републике Српске, дана 20.06.2014., отпочело спровођење мјера дезинсекције у поплавама угроженим градовима и општинама.

Министарство здравља и социјалне заштите именовало је Комисију са сузбијање ларви и одраслих комараца у ванредним околностима која има задатак да предложи методологију спровођења ефикасне дезинсекције у наредном периоду. Мјере дезинсекције вршиће пет привредних субјеката које је Министарство здравља и социјалне заштите одредило, а у складу са важећим рјешењима за обављање послова ДДД заштите. Мјере дезинсекције ће се провести на територији тридесет и три општине угрожене поплавама: Приједор, Козарска Дубица, Градишка, Србац, Лакташи, Бања Лука, Добој, Модрича, Шамац, Вукосавље, Доњи Жабар, Бијељина, Братунац, Брод, Власеница, Дервента, Зворник, Костајница, Котор Варош, Крупа на Уни, Лопаре, Милићи, Нови Град, Осмаци, Оштра Лука, Пелагићево, Петрово, Прњавор, Сребреница, Теслић, Угљевин, Челинац и Шековићи.

Влада Републике Српске извршила је набавку инсектицида Неопитроид премиум за третирање одраслих форми комараца. За ту намјену утрошено је 216 216,00 КМ. Пет привредних субјеката извршиће мјере дезинсекције без накнаде новчаних средстава. Логистичку подршку пружиће им градови и општине у којима се спроводе мјере дезинсекције.

С обзиром на промијењене временске услове који су проузроковали немогућност спровођења авио-третмана који је првобитно предвиђен, препорука Комисије је да ће се Неопитроид премиум користити за сузбијање одраслих форми комараца техником замагљивања са земље, уз могућност накнадног спровођења авио-третмана уколико се за то стекну услови.

Укупна површина на којој се спроводе мјере сузбијања одраслих форми комараца је 67800 хектара. За ову површину обезбијеђена је средство Неопитроид премиум за један третман, а друго средство (Tibi-24) обезбијеђено је из донације, за третман одраслих форми комараца која ће се користити за даље периодично третирање одраслих форми.

У протеклом периоду завршено је сузбијање одраслих форми комараца на територији двадесет и четири општине и града а у преосталим општинама третман се одвија по утврђеном плану.

Након обављене дезинсекције одраслих форми комараца приступиће се третирању ларви комараца. За потребе третирања ларви, на основу препоруке Комисије, Влада Републике Српске извршиће набавку биолошког ларвицида на бази активне материје *Bacillus thuringiensis subsp. israelensis*. За ту намјену планиран је утрошак средстава у износу 992 452,50 КМ. Ларвицид је регистрован производ, Vectovac WG, произвођача Valent BioSciences Corporation. Укупна површина у тридесет и три општине, коју је потребно третирати ларвицидом је 24000 хектара. Ефикасан ларвицидни третман подразумијева два до три третирања наведене површине. Наведени ларвицид је биолошки производ, еколошки прихватљив и не постоје ограничења за његову примјену. Може се користити и уз корита ријека без опасности по здравље људи, нарушавање екосистема или угрожавања зона водоснабдијевања

Додатна количина ларвицидног средства би евентуално могла бити обезбијеђена из донација.

С поштовањем,

Достављено:

1. Наслову,
2. А/а.


МИНИСТАР
Др Драган Богданић